

*Terminorum quorundam technicorum
Expliatio.*

ABLUTIO. ELUTRIATIO.

Abluere est corpus solidum a sordibus vel a salibus liberare: *Elutriare* vero significat pulverem subtilem a grossiore repetitis aquæ adfusionibus abluedo separare.

AMALGAMATIO est metallorum ope argenti vivi solutio, qua mediante Mercurius eo modo cum metallo unitur, ut æqualem ac visui homogeneam simul constituat massam. Unio hæc pro diversa metallorum indole diverso obtinetur modo. Massa hac operatione obtenta

Amalgama vocatur.

BOLUS, ELECTUARIUM, CONFECTIO humida & sicca, (Trocisci, Morsuli, Tabulae, Rotulae) CONDITUM, ECLEGMA, LINCTUS, LOOCH ferme synonyma sunt, sæpe, præsertim humida, indiscriminatim ponuntur, quum vix, nisi consistentia, majori minorive ariditate, aut ingredientium pluralitate inter se differant, sunt igitur

Bo-

Bolus & Electuarium medicamenta, quæ constant pulveribus &c. pulpa, melle, syrupo aut alio apto liquido exceptis, & in massam mollioris consistentiæ redactis. *Bolus* unica absurmitur dosi; *Electuarium* majori communiter paratur copia.

Confectio quoque electuarii mollieris species est: dum *humida* dicitur, mellis cocti paullo majorem consistentiam habet; *arida* vero seu *secunda* sub *Trochisorum, Morfolorum, Tabularum* aut *Rotularum* nomine venit.

Trochisci e pulveribus cum mucilagine in massam subactis formam acquirunt orbicularem utrinque depresso.

Morfoli, Tabulae, Rotulae ex facchiro ad consistentiam tabulatam cocto communiter funduntur, admixtis non raro variis speciebus: cæterum non nisi forma inter se discrepant.

Con-

Conditum confectionis loco non-nunquam ponitur: quid vero propri-fit, vide suo ordine.

Confecta vero ea vocantur, quæ faccharo sicco incrustata sunt, & plerumque facchari confectionibus paranda committuntur. Tandem: *Elegma Græcis*, *Looch Arabibus*, *Linctus Latinis* medicamentum dicitur consistentiæ mediæ inter syrump & electuarium molle, lenissime deglutiendum.

CATAPLASMA, SINAPISMUS, EPITHEMA
sunt medicamenta topica sive ad certum quem-dam locum externe applicanda.

Cataplasma vulgariter parari follet ex plantis earumque partibus rudi-ter pulveratis, coctione, vel etiam cruda dumtaxat commixtione cum aqua, lacte, oleo &c. in pulvis consistentiam redactis.

Si semen finapis farina aceto, fermento panis &c. permista Cataplasma efformat, *Sinapismus* communiter audit.

Flui-

Fluidum vero medicamentum pan-
nis, linteis, spongiis &c. excipiendum
Epithema seu *Fomentum* nuncupatur.
Interdum species vel siccæ, vel liquido
quodam irroratæ, ac externe ad�icatæ
eodem hoc nomine insigniuntur.

CHEMIA, PHARMACO-CHEMIA, PHAR-
MACIA, PHARMACOPOEUS, PHARMACOPAEA,
PHARMACOLOGIA &c. ita collimitant, ut di-
velli vix patiantur.

Est igitur *Chemia* pars physices ex-
perimentalis, sive scientia docens exa-
minare corpora per ignem aut men-
strua: corpora videlicet in suas partes
constitutivas dividere; nonnulla in pri-
stinam denuo formam restituere; aut
vario inter se combinare modo.

Illa chemiæ pars, quæ usui medico-
tantum infervit, *Pharmaco-chemia* voca-
tur.

Pharmacia sive *Ars pharmaceutica* il-
la dicitur ars, qua mediante docemur
medicamenta simplicia colligere, selec-
tare, debite asservare, nec non, ubi
opus

opus est, ad normam præscriptam rite componere. Vir artem hanc exercens *Pharmacopœus* nuncupatur.

Pharmacopœa vero est vel ille locus, in quo pharmaca cum cruda tum præparata asservantur; vel liber talis, in quo norma præparationis medicamentorum continetur, qui liber etiam *Dispensatorium medicum* audit.

Pharmacologia demum est historia si-
ve recensio omnium medicamentorum:
hæc etiam sub titulo *Materiae medicæ*
venire solet.

CLARIFICATIO five **DEPURATIO** est liquo-
ris turbidi aut impuri a partibus hunc inficienti-
bus crassioribus liberatio. Fit autem vel per

Despumationem: dum spuma ac
cum hac heterogenea quæque innatan-
tia durante liquoris coctione cochleari
auferuntur. Vel per

Subsidentiam: si in liquore ad
quietem reposito partes crassiores pro-
pria gravitate fundum petunt, ut li-
quor

quor dein clarus inclinationis ope de-
cantari possit. Aut si liquor

Albumine ovi in spumam agitato
prius momento bullivit, tandemque co-
latur. Vel etiam sola

Filtratione, si scilicet per chartam
emporeticam; aut

Percolatione, dum per pannum five
linteum liquor trajicitur.

CONDITUM, CONSERVA, SYRUPUS, MEL,
ROOB, PULPA &c. in eum fiunt scopum, ut
corpora præfertim vegetabilium cum solida
tum fluida, quantum fieri potest, recentia asser-
ventur.

Conditum propriæ dicitur, si Fru-
ctus, Flores, Radices aut aliæ vege-
tabilium partes recentes, &, ut fieri li-
cet, integræ in syrupo aut melle ad
spissiorem consistentiam cocto adser-
vantur.

Conserva fit: si folia aut flores
plantarum recentium minutim conscissa
vel contusa cum dupla aut tripla por-
tio-

tione facchari pulverati frigide com-
muniter commiscentur servanturque.

Syrupus: si decoctum, infusum,
aut succus herbarum vel fructuum &c.
addita proportionata quantitate faccha-
ri ad illam coquitur consistentiam, quæ
obtinetur, dum duæ partes facchari
in una parte liquidi facta unica ebulli-
tione solvuntur. *Miva* syrupo paullo
spissior est.

Mella medicata eodem ac syru-
pi fiunt modo, nisi quod ad debitam
eorum acquirendam consistentiam ad
unam liquoris partem tres partes mellis
requirantur.

Roob obtinetur, dum fructuum
succus cum quarta aut sexta parte fac-
chari ad pultis mollieris five gelatinæ
consistentiam coquitur.

Pulpa: si caro fructuum &c. de-
coctione cum aqua emollita, & per
setaceum trajecta addita portione fac-
chari ad debitam pultis consistentiam
inspissatur. *Panis* v. g. Cydoniorum
est pulpa solidior.

DE-

DEFLAGRATIO, *sive DETONATIO* fit, dum varia corpora inflammabilia, præsertim mineralia crucibulo candenti injecta subito inflammantur; hæc cum, illa sine notabili strepitu aut fragore.

Dum spiritus vini super quibusdam corporibus comburitur, *deflagrari* quoque dicitur.

DESTILLATIO, ABSTRACTIO, COHOBATIO, RECTIFICATIO de liquidis stillatim trans-euntibus communiter intelliguntur; interim **SUBLIMATIO** nonnullis quoque **DESTILLATIO SICCA** audit. Est vero stricte

Defillatio principiorum fluidorum & volatilium convenienti ignis gradu sub forma vaporis elevatorum in vas excipiens traductio.

Abstractio dicitur, si fluida solidioribus corporibus superadfusa de-stillentur.

Cohobatio, si liquor abstractus vel eidem, vel recenti corpori read-funditur, iterumque abstrahitur.

Rectificatio, si liquores destillati
nova destillatione per se depurantur,
insini aut dephlegmantur.

Sublimatio vero est partium solida-
rum magis minusve volatilium cor-
poris cuiusdam diverso ignis gradu ele-
vatio. Partes sublimatae leviores te-
nuioresque *Florum* nomine veniunt;
rudiores vero magisque compactae *Su-
blimatum* simpliciter vocantur.

Residuum ab omni destillatione ad
expulsionem omnis omnino liquidi pro-
tracta, præcipue tamen sicca, *Caput
mortuum* dicitur.

EDULCORATIO, **EDULCARE** significat me-
dicamentum quoddam dulce reddere; vel etiam
acida mineralia spiritus vini combinatione miti-
gare: nonnunquam *Edulcare*, etiam pro *Ablue-
re* ast improprie sumitur.

EMPLASTRUM, **CERATUM**, **UNGUEN-
TUM**, **LINIMENTUM**, sola majori minorive
consistentia differunt; cæterum maximam com-
muniter partem e corporibus pinguibus confi-
ciuntur. Est igitur

Em-

Emplastrum medicamentum exter-
num, supra corium vel linteum ex-
tendendum, cuti, cui tenaciter adhae-
ret, adipicandum.

Unguentum butyri, dum conſi-
ſtit, conſistentiæ plerumque eſſe ſolet.

Ceratum inter emplastrum & un-
guentum medium tenet.

Linimentum conſistentiam oleo pa-
rum ſpiſſiorem habet: eſt ergo un-
guentum mollius.

Balsama ſolida artefacta merito
unguentis adnumeranda.

EMULSIO, EMULSUM, eſt liquor lacteus
ex conquaſſatis præcipue ſeminibus oleofis ad-
fusione liquidi aquosi extractus, continens par-
tes ſeminum oleofas, mucilaginosas, farino-
fas.

EBULLITIO, EVAPORATIO, DECOCTIO,
INSPISSATIO, EXTRACTUM pro ſcupo, in
quem iſtituuntur, diſferre poſſunt. Intelli-
gitur ideo per

Evaporationem lenta humidi super-

flui debito caloris gradu in auras di-
spercio.

Ebullitio dicitur : dum evapora-
tio violentior fit, cum motu & quo-
dam strepitu liquoris.

Decoctio sive *Decoctum* est : si
quædam corpora liquori aquoso com-
mittuntur, ut durante coctione aut
virtutem suam illi communicent, aut
ab hoc penetrata mollescant: utrique
tandem *Decocti* nomen convenit, com-
muniter tamen liquori tribuitur : ipsa
vero actio *Decoctio* dicitur.

Inspissatio vocatur, si decoctum
vel succus expressus eo usque evapo-
retur, ut maxima pars abigatur humi-
di, ac in massam plus minus solidam
condensetur, quæ tunc

Extracti nomine venit.

Inspissari quoque dicuntur lixivia non-
nulla in massam salinam ficcā.

EFFERVESCENTIA est aëris superflui e cor-
poribus in acidis solubilibus, præsertim alcali-
nis

nis, dum cum acidis coëunt, expulsio sive extricatio, qui aër ita exiens in liquoris superficie bullulas sive spumam efformat.

FERMENTATIO est motus intestinus partium alicujus corporis proportionate liquidi leni calore, vel sponte, vel addito quodam corpore motum hunc promovente excitatus; novo inde exurgente producto diversissimo quoad omnia a corpore illo pro fermentatione subeunda adhibito. Producta inde esse solent: *Spiritus inflammabilis* destillatione separandus; *Aacetum*.

GELATINA, GLUTEN; GUMMI, MUCILAGO sunt corpora mucosa plus minus consistentia. Est itaque

Gelatina substantia glutinosa, consistens, transparens, tremula, præpripmis ex animalium partibus aquoso liquore extracta, ac superflua humidi quantitate orba. Hæc si maxima humili parte privatur ita, ut naturam tenacem magis solidam igne liquandam simulque transparentem induat,

Gluten nominatur.

Dantur quoque substantiae vegetabiles viscosæ, constitutis gelatinis aptæ, quæ tamen communiter, si spissiores

Gummi, si vero minus spissæ, at tamen lentæ sunt

Mucilagines appellantur.

GRADUS IGNIS, pro distinctis corporibus, vario operationis scopo, diversitate adparatus, plures longe divisiones subdivisionesque pati posse facile intelligitur; interim quatuor maxime communes a chemicis ordinarie stitui solent, videlicet:

Digestorius, *Destillatorius*, *Sublimatorius*, & *Vitrificatorius*.

HAUSTUS, **POTIO**, **JULAPIUM**, **MIXTURA** vix inter se differunt.

Haustrus ut plurimum dicitur medicamentum liquidum interne pro una dosi adsumendum. Idem de Potione intelligendum, quamvis

Potiones, *Julapia*, *Mixturae* plures sæpe doses contineant, vel non raro,

raro, præfertim Mixturæ, pulveres etiam immixtos habeant.

INFUSIO, MACERATIO, DIGESTIO vasis communiter instituuntur clausis, indeque producta sunt:

INFUSA, TINCTURÆ, ESSENTIAE, Elixiria &c. Aut, si abstrahuntur,

AQUÆ DESTILLATÆ, SPIRITUS, OLEA ÆTHEREA &c. Est vero

Infusio partium solubilium præcipue aromaticarum liquore aut frigido aut fervente adfuso in vasis clausis extractio.

Maceratio dicitur, dum liquor calorem atmosphæræ habens corpori macerando adfunditur, relinquaturque per aliquod tempus, absque subministrato calore.

Digestio demum a Maceratione non nisi moderate adhibito, quem scilicet requirit, calore differt, ut liquor adfusus partes corporis digerendi validius penetret, resolvat dissolvatque.

Tinctura infusi species est, maceratione aut digestione peracta, ut liquor sive aquosus, sive spirituosus obtineatur tinctus.

Essentia nil aliud est, quam *Tinctura* spirituosa magis saturata, minus pellucida.

Elixirium est *Essentia* maxime saturata, magis meraca, hinc etiam maxime opaca.

Atque hi essent, si qui observati fuissent, inter *Tincturam*, *Essentiam* & *Elixirium* limites; interim præfati liquores sæpenumero promiscue ac pro lubitu Auctoris denominationes gerunt.

Liquatio sive *Fusio* est vel metallorum vel corporum solidorum pinguium caloris operis fluorem deduictio. Metalla quidem communiter *fundi* dicuntur.

Loricatio præcipue in retortis vitreis validiori igni exponendis obtinet. Est nempe horum vasorum crux argillacea obductio. Ipsa crux *Lorica* vocatur.

Lu-

LUTUM infervit ad vasorum commissuras
bene claudendas, præsertim ne rerum vola-
tilium, dum in igne tractantur, vapores avo-
lent. Hoc impediri potest

Vesica madefacta;

Charta pulte farinacea adglutinata;

Limo, *Argilla* &c.

quæ species lutorum diversimode, prout id
necessitas expostulat, componi possunt.

MUCARUM five MUCHARUM jam infusum,
jam syrumpum Rosarum denotat.

NYCHTHEMERUM five Noctidiale
spatium significat viginti quatuor horarum,
diem & noctem comprehendens.

OLEA, BALSAMA NATIVA, RESINÆ,
BITUMINA sunt corpora inflammabilia, plus
minus liquida aut solida, unionem cum liquo-
ribus aquofis, fine corpore intermedio, re-
spuentia.

Oleum est corpus liquidum, in-
flammabile, parum aut plane non per-
se in aqua solubile. Habentur olea
vel nativa mineralia, vel Destillatione,
Expressione aut Excoctione obtenta.

G 5

Olea

*Olea destillata vel ætherea , vel
slov a empyreumatica sive adusta dicuntur.*

*Oleum æthereum spissius Bal-
samum , solidum vero , aut siccum
Resina nuncupatur. Bitumen a Re-
sina differt , quod hæc regno ve-
getabili , illud minerali tribuatur.*

*Olea porro acquiruntur Expressio-
ne & Excoctione. Cocta vero , sive
Infusa plus minus composita variisque
aliorum corporum particulis imprægna-
ta esse solent.*

*Oleum vitrioli , salis tartari &
Myrræ per deliquium improprie olea
dicuntur.*

*PILULARUM MASSA , est ceræ inter di-
gitos emollitæ consistentia , ut facile inde
globuli efformari queant , integri deglutiendi.*

*PUTREFACTIO , quam aliqui tertium gra-
dum fermentationis esse volunt , est corporum
mutatio spontanea , qua sal alcalinus volatilis
producitur , aut extricatur.*

*REDUCTIO , REVIVIFICATIO : hæc de Mer-
curio ex minera , ejusque præparatis intelligitur,
dum*

dum in pristinam massam metallicam currentem
reducitur; illa de calcibus aliorum metallorum,
dum vel destructo adhærente heterogeneo,
vel restituto phlogisto prior iis tribuitur for-
ma metallica.

SAL est substantia in aqua solubilis, in lin-
gua saporem vel acidum, alcalinum, amarum,
dulcem, stipticum, aut simpliciter salsum &c.
excitans.

SOLUTIO, SOLVENTS five **MENSTRUUM,**
DELIQUESCENTIA & DELIQUIUM. Demum
PRÆCIPITATIO & PRÆCIPITATUM corre-
spondent ita, ut explicatio horum notam il-
lorum theoriam præsupponat. Est ergo:

Solutio five *Dissolutio* partium con-
stitutivarum corporis unius cum con-
stitutivis alterius corporis natura vel
manifeste vel saltim adparenter diversi
unio, ita tamen, ut quædam attractio
inter hæc corpora locum habeat.

Solvens seu *Menstruum* illud vo-
catur, quod vel fluiditate vel acri-
monia, vel utroque simul in corpus
solvendum agere videtur. Illud ve-
ro, quod in *Menstruo* solvitur,

So-

Solutum aut *Dissolutum* dicitur quodque se quasi passivum exhibet.

Liquescentia, *Deliquescentia*, & *Deliquium* vocatur, dum corpora quædam attracta undecunque (præsertim vero ex ære) humiditate in liquorem disfluunt. Porro quoque

Solutio ipse nuncupatur liquor corpus in se solutum continens, qui liquor, si aliud corpus magis affine ei admiscetur, hoc arripit, illud vero dimittit, quod demum sibi relictum a liquore secedit. Hoc chemicis dicitur

Præcipitare. *Actus ipse*

Præcipitatio. *Corpus dimissum*

Præcipitatum.

Aliquando absque ullo addito solutum corpus pro parte saltem a suo menstruo secedit, & tunc dicitur

Præcipitatio sive *Præcipitatum per se*.

SPIRITUS liquorem denotare deberet aqua specificie leviorem & volatilem; itaque spiritus acidi improprie hoc titulo gauderet, nisi fer-

van-

vanda esset denominatio jam recepta. Sunt igitur spiritus vel *inflammabiles* fermentatione vinosa produci; vel proprie *salini*, id est: li- quores salem sive acidum sive alcalinum volatilē solutum continentēs.

TOSTIO, DECREPITATIO, USTIO, COMBUSTIO, INCINERATIO, CALCINATIO, VITRIFICATIO &c. sunt operationes a minori ad maximum usque ignis gradum instituendae, unde variis insigniuntur determinationibus. v. g.

Tostio, *Torrefactio* citiorem de- notat igne moderato exsiccationem, absque corporis torrendi adustione, so- lum ad destruendas ejus partes aquo- fas & mucilagionosas instituta.

Decrepitatio. Crepitare solus sal communis dicitur, dum ejus cry- stalli ope ignis humido suo orbantur, dissipando aridum sonum edunt, quod proprie crepitare nuncupatur. Idem, aut sine crepitatione, intelligendum de Aluminis simili umque salium dicta *Ustio* sive *Tostione*.

Ustio est cujusdam corporis ani- malis aut vegetabilis ope ignis in car- bō-

110 PARS PRIMA TERM. TECHN. &c.

bonem convercio, vasis communiter quodammodo clausis perficienda. Etiam interdum de mineris & metallis, at improprie, dicitur.

Combustio, *Incineratio*, intelligi-
tur de carbonis aut integri corporis,
præsertim vegetabilis, commutatione
in cineres.

Calcinatio fit, dum partium cuius-
dam corporis cohæsio per diuturnio-
rem ignem destruitur ita, ut in substan-
tiam friabilem aut pulverulentam natu-
ræ diversæ abeat.

Calces variæ hujus operatio-
nis producta sunt, quæ tamen non
raro etiam mediante variorum sa-
lium arrofione præsertim e metal-
lis obtinentur.

Vitrificatio est demum corporis
cujusdam ignis validioris ope in cor-
pus compactum plus minus diapha-
num nova fusio: corpus inde obten-
tum

Vitrum dicitur.

PARS